



Tremendo apertura di Festival di Buki pa Mucha na Biblioteca Nacional



ORANJESTAD (AAN) – Director di Biblioteca Nacional Aruba (BNA) Astrid Britten, den entrevista cu DIARIO tocante e apertura oficial di Festival di Mucha 2019, a relata tocante e evento, cu tin e lema “Ban lesa, biaha y goza”. E aña aki.

Esaki ta e di 27 apertura di Festival di Buki pa Mucha, y e cantica pa habri e evento ta masha bunita mes, titula “Ban Keiro” cu ta un composicion di Sulaika Geerman. Pius X Scol a haci e apertura di e pro-

grama oficial aki. Sr. Robert Reeberg, ken a skirbi varios cantica pa e festival di buki den su transcurso di 27 aña a traha un video clip di un di e canticanan yama “Sigui lesa bay” cu a wordo strena durante e apertura. Diescuater autor ta participando y nan trabao ta cuminsa awe dia 4 di November, den e diferente sol unda nan lo presenta cu nan buki, y ta caba Diabierna 8. E autornan lo bishita 64 scol, entre nan scol preparatorio, basico y scolnan special. Cu esaki lo duna



un dimension na e actividad aki, unda promocion di lesamento ta na prome lugar, door cu tin amor y dominio riba lesamento ta hopi importante.